

近代中國史料叢刊第四十三輯

沈雲龍主編

嘉定(徐致祥)
長白(寶廷)

二先生奏議

夏震武編

文海出版社印行

嘉定二先生奏議
長白

嘉定長白二先生奏議序

予以癸酉舉於鄉典試者爲兵部右侍郎嘉定季和先生禮部右侍郎長白竹坡先生二先生皆抗志古人愛才若渴予授職工部於時竹坡先生方以敢言爲廷臣倡直聲震天下予亦不敢有負師門觀政三月一再抗疏乞養以去先生典試八閩枉駕訪予靈峯山中相與握手悲歎世道人心之淩夷時事之不可爲而先生旣反命亦遂以微罪自劾去官諫靜絕響矣季和先生繼起正色立朝面折廷爭言人所不敢言識者以爲有楊左之風而竹坡先生鬱鬱不得志以卒予亦再遭親喪廬墓三台季和先生適視學浙中爲文以誌其墓予旣痛竹坡先生之死猶幸季和先生猶存恃以稍慰予

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



宣統二年
刊于京都

嘉定長白二先生奏議序

予以癸酉舉於鄉典試者爲兵部右侍郎嘉定季和先生禮部右侍郎長白竹坡先生二先生皆抗志古人愛才若渴予授職工部於時竹坡先生方以敢言爲廷臣倡直聲震天下予亦不敢有負師門觀政三月一再抗疏乞養以去先生典試八閩枉駕訪予靈峯山中相與握手悲歎世道人心之淩夷時事之不可爲而先生旣反命亦遂以微罪自劾去官諫靜絕響矣季和先生繼起正色立朝面折廷爭言人所不敢言識者以爲有楊左之風而竹坡先生鬱鬱不得志以卒予亦再遭親喪廬墓三台季和先生適視學浙中爲文以誌其墓予旣痛竹坡先生之死猶幸季和先生猶存恃以稍慰予

心未幾先生改任皖江旋薨於位人亡國瘁變故迭起變法
攘彝黨禍作而國事不可問矣追憶甲戌出都竹坡先生餞
之昆明湖上一時名流咸集賦詩飲酒極歌吟笑呼之樂以
爲天下事不足爲臨行二先生復親至旅邸相送勉以異日
爲天下出任艱鉅予亦年少氣盛慷慨言志自負必有以報
二先生也未及三十年而二先生相繼以沒八國聯軍入都
予奉

詔奔赴

行在

召對之日

兩宮爲之慟哭流涕忌者齟齬百端卒不得自効尺寸以歸竹坡先

生二子同日殉節遺孤三人兩月之間先後並殤於是竹坡先生後嗣絕矣天之報施善人既窮之於生前復厄之於身後必殄滅其種類而後已以快姦邪小人之意而寒爲善者之心何其酷也予既傷二先生之志而追念竹坡先生則尤爲之呼天悲痛泣然流涕不能自己者竹坡先生彌留之頃瞿然曰斯人若死吾道絕矣家人問謂誰曰滌庵也季和先生臨卒命其二子曰以奏議付滌庵必令滌庵序之嗟乎二先生亦何知予之過也今距竹坡先生卒且二十餘年季和先生卒亦十餘年欲求曩時追隨杖履上下議論之歡遊不可得予亦蹉跎垂老終不獲有所建樹以仰答知己惴惴焉惟懼辱身賤行爲二先生羞二先生雖立身少異並以齊詩

大節望重一世求直臣於光緒之朝忠言讜論始終不移固
未有踰二先生者其奏議皆有關天下大計予懼其久而散
失也則據所見者合而刻之附以孫佩南大令所爲季和先
生神道碑竹坡先生冢嗣伯莠光祿所爲先生年譜使後之
讀書論世者有考焉二先生既不得一日行其志而予求所
以報二先生者亦將止於是矣悲夫宣統庚戌二月壬寅富
陽夏震武序

皇清誥授光祿大夫兵部右侍郎加三級徐公神道碑銘

門下士孫葆田謹撰

光緒二十五年夏四月癸未提督安徽學政兵部右侍郎徐公薨於太平使院於時內自京師外至遐陬荒域人無論識與不識聞之咸同聲歎曰

中朝失一直臣矣而小人平時不樂公之彈擊者至此又皆以爲得肆其志蓋直道之難容於世如此此公之子所以不求銘於當代鉅公而獨以文字屬葆田者與嗚呼葆田之文果足以傳公哉公諱致祥字季和世爲嘉定人曾祖父諱樟縣學生祖父諱經由翰林院編修官至分巡山東濟東秦武臨道兩世皆以公叔父鄙見官兵部尙書

晉贈光祿大夫公父諱鄒道光二十三年順天舉人前官兵部郎

中

誥封光祿大夫前母袁氏母汪氏繼母朱氏並

封一品夫人兄弟三人公生而穎慧奇偉祖父觀察公絕愛憐之
讀書爲文有奇氣不屑屑於章句之學年二十二與叔父郝
同舉順天

恩科鄉試明年舉

恩科會試第一入翰林爲庶吉士是歲咸豐十年也其秋

文宗駕幸熱河明年八音遏矣公每獨居憂憤思及國事輒流涕同

治紀元公叔父成進士

殿試第一授翰林院修撰公亦以是年留館授編修越三年丁

繼母朱太夫人憂服闋擢詹事府右中允九年秋偕餘姚朱
公典山東鄉試十二年秋又主浙江鄉試號稱得人

今上御極之初公循分盡職嘗預分校禮闈凡數遷而至內閣學
士光緒五年奉

命視學畿輔未終任而以丁父憂去職公於是時哀毀骨立又自
以三世受

國厚恩父子同居清要苟不能有所建白何以對清時而貽令
名及服除再補內閣學士攝禮部左侍郎遂上書極言天下
事是時山東屢被河災會

朝廷議開鐵路公獨疏爭以爲

國家經費有限宜急修河工以奠民生而罷諸不急之務其語

激切逢奉

旨嚴譴鑄績而公亦以此名震天下

朝廷知公忠直無他未一年起官太常寺少卿公益感激圖報
先後章數十上皆能言人所不敢言者章或

國中不報故人亦莫得其詳而籍籍在人口者最後有糾彈湖
廣總督張公一疏議者以爲此尤可見君子之無黨云自

今上親政後公每遇事陰爭

上亦知公忠誠由太常寺卿一歲三遷至都察院左副都御史十
五年秋典福建鄉試明年會試知貢舉士論翕服又明年秋
典廣東鄉試星詔幾徧嶺嶠矣而公以爲人臣爲國求才尤
在以身示則其由宗人府府丞轉副憲也在任三年手裁峻

整臺規肅然適公叔父遷左都御史乃改公大理寺卿而是時公實有憂慮山積一疏極論生民之蹙吏治之壞士習之囂官方之靡凡數千言其語多見采納蓋

上之知公深矣會甲午春浙江學使陳公入爲順天府尹乃以公提督浙江學政而是年朝鮮事起自秋至冬大兵戰輒不利公雖校上事殷每憂憤太息復於其間薦保文武人材及明年和議已成公上書以爲方今急務首在進君子退小人且國恥不可忘武備不可弛其語斥大臣尤切聞者亦無如何也既任滿宜受代

朝廷以公善教士乃更拜提督安徽學政之

命論者或爲公惜而公視居外一如立朝始終不渝其志方羣

小亂政法令紛更天下匈匈不安公按試列郡寓養於教一
示以鎮靜並疏請舉行

經筵以正

聖學既而

朝政清明公亦特被

優寵皆擢兵部右侍郎於是人度不久且大用矣而公見

聖躬違豫

皇太后深宮焦勞大臣唯阿取容莫肯爲

殿陛盡言者益深憂憤乃於歲終具國本二疏專弁賫呈今年

春以書諭葆田曰吾以獲咎之人蒙

恩起用復躋卿貳無補

聖明當言而不言益惡類無地矣近有

母慈

子孝並廣育

皇嗣二疏此滌庵與子所屢以爲言者不敢以告人幸勿宣露也

滌庵者公典試浙江所得士夏震武字也已而疏上果

留中不下嗚呼公今逝矣葆田所知者止此其他蓋莫能詳也

公以文章受

三朝知遇其所欲盡忠以報

國者亦不僅意在於斯而遂止是豈其中果有憂憤不自釋者

耶抑天固不欲留我公以終弼成

聖清之休治耶吾知公雖逝其心則如前代范景仁呂獻可諸賢

不能一日忘天下也必矣然則世第以直臣目公又豈公之本心哉公爲人磊落光明與人言必盡其誠遇門人無賢愚皆愛厚之故所至尤能得士心既沒而遠近赴弔者常數百人公生於道光十八年十月十一日享年六十有二娶李夫人子二鼎襄廕生候選中書科中書鼎康爲公少弟後女二婿濟甯孫榕定遠何炳瑩鼎襄等既扶喪歸里乃卜以其年某月日葬公於某原葆田敬敘公生平厯官大節其細行則附著之銘銘曰

徐公之浦篤生哲人克冠多士爲世名臣屢蹶不躓其氣愈伸司守

壇壝典禮恪遵外夷無禮封章上陳虜雖驕悍亦莫敢噴河決桑乾

飢民襁負公獨惻然傷如疾首募貲萬金信及朋友以活萬人具饋餽口陰德雖多辭功不有星軺四出行歌雪柳視學兩浙先正是程奇表必警公則生明尤憐貧士廩食均平再加月試法備糊名嚴處各郡士氣英英載移皖江文風丕變按試潁州適逢寇亂親見流亡食不能嚙慨捐千金招徠民賤士亦感興下帷講貫凡此蠲行皆公末節溯惟生平一腔熱血持躬蹇蹇惡彼泄泄止酒不飲擊壺欲缺慷慨上章有淚如寫胡天不弔使星遽沉忠懷耿耿江水深深前星未曜戎氛日侵職闕誰補大寶有箴敬告在位無負公心

月令圖考

嘉定先生奏議

徐致祥季和

卷上目錄

籌議戰要摺

止開藝科預防徵漸摺

會議和戰事宜摺

論名器不可輕假摺

統籌戰要摺

保薦疆臣片

論鐵路利害摺

請撥兵援粵摺

預阻和議片

請嚴閱總局急修河工摺

再陳山東河患宜亟籌興修摺

請仍照成議增建貢院說合片

會議被傷徒配摺

保薦邊才摺

論闈寺不得奉派出外摺

請停止鐵路摺

請江南鄉試分闈摺

請勅限堵塞永定河決口片

請暫停河運截留漕米摺

請另簡河臣摺


請疏濬山東下游河身摺

論搶劫重犯先行擬結情法未協摺

請暫緩謁 陵以紓民力摺

請嚴辦太監囑託大臣片

論民教案件宜持平辦理摺



籌議戰要疏 光緒十年六月

奏爲籌議戰要仰祈

聖鑒事竊臣恭讀本月初六日

上諭率土同仇敷天洩憤即今日

皇威之震赫益彰歷年

聖德之寬容臣以爲目下急要有三一決戰宜速兩軍對壘惟利是視移書定期春秋戰國時閒或行之豈可施之今日矧夷人譎詭百出慘毒非常刻刻隄防猶恐墮其狡計閩疆督撫尙拘古法不獨貽敵人笑宋襄之仁趙括之智自取喪敗耳聞法艦三隻現泊於白犬一名丁山爲滬閩粵三處要道又三隻泊廈門又三隻泊吳淞皆以絕我援師然不過此數船

也彼寡我衆易於撲滅先發制人理固不爽應請

旨嚴飭此數省督撫尅期痛勦悉數殲除逆酋已傷夷氣不振乘弱擊虛鮮有不濟雖該夷已回本國續調兵船往返亦必須一月及其未集增修戰備以逸禦勞以主待客勝負之數無待蓍龜並請

飭滇粵暨劉永福各軍火速進兵分道開出以拊其背以掣其肘使不得兼顧內犯一任將宜專兵家形狀如奔雷掣電變幻倏忽不但

朝廷不能遙制即大將亦不能預設成心決生死於須臾爭利害於呼吸或審天時或規地勢或攻其不備或誤以多方或伺間而誘之或堅守以困之運用之妙惟在臨幾若事事必

稟

命而行在

神謨勝算亦難默測其機宜而闔帥疆臣轉得藉口以推諉馬尾

基隆覆轍堪鑒應請

旨飭下各省督撫及統兵大員許以便宜行事擇利而爲偶勝則
獎其微勞小挫則責以戴罪克捷則褒以殊榮失律則加之
顯戮咎無可貸功有攸歸有不感激而思奮者哉一軍勢宜
聯沿海之督撫各保疆圉自顧責成誰肯恤救不知職守固
不可輕離而兵餉則何妨分濟嫉能妒功者無論矣即心存
軍國者未奉

諭旨亦不敢擅行其是應請

特簡一公忠體國威望久孚之重臣假以征討之任予以生殺之
權令沿江沿海數省督撫提鎮統歸節制駐紮上海吳淞口
居中控馭相機調度如廣東福建浙江江蘇等省授以戰備
之宜腹地之安徽江西上游之湖北湖南責以供億之費調
和將帥激勵士民指臂相聯首尾相應合謀協力功可垂成
至奉天直隸山東三省戰守事宜仍專責李鴻章辦理儻夷
船竟敢駛入津洋則後路跟蹤兜勦釜底游魂進無所倚退
無所歸立見其盡也蠶管之見是否有當伏乞

皇太后

皇上聖鑒謹

奏

止開藝科預防微漸疏

光緒十年六月初十日

奏爲瀝陳愚悃仰祈

聖鑒事本月初七日大學士臣等遵

旨在內閣會議潘衍桐方汝紹請開藝科實學科各摺經與議
臣
工等

奏駁臣猶有進焉者猶有慮焉者自南北洋設有機器局福建
設有船政局十餘年來糜費帑項不下二三千萬迭次邊釁
終歸無用過此以往故轍依然不求變計實積隱憂治國之
要惟在任人不在任法爲有人即有法也咸豐同治開兩江
總督曾國藩湖北巡撫胡林翼汲汲以人才爲務集思廣益
博採兼收不吝重資能得死力巨擘卒以殄大難卒以平成

效具在可深長思爲今之計如以每年機器船政之費用之於儲材養士昔可以盪十數省之積寇今獨不能制四五國之強夷乎此臣所進期於目前者也近世士大夫議及西法或歆羨弗遑或遜謝弗及積習移人勢成固結彼必有一說焉以上勳

聖聽儻或曲從即隳大計藝科不行恐將來更有以鐵路之說進者以氣毬之說進者謂不如是不足制敵禦侮在

聖明洞鑒原不惑於奇袤而臣下愚忱亟思防其微漸此臣所過慮於日後者也愚昧之見披瀝上

聞是否有當伏乞

皇太后

皇上聖鑒謹

奏

議和戰事宜疏 光緒十年六月二十四日

奏爲瀝陳愚悃仰祈

聖鑒事竊臣奉

旨會議和戰事宜謹就管窺所及爲

皇太后

皇上陳之夫居今日而言和計之便也居今日而言戰事之難也
狃於使者甘目前之辱畏其難者貽日後之憂居今日而言
戰難矣遲一二十年而並不得言戰矣又遲一二十年而並
不得言和矣自咸豐十年和議至今釁端百出未嘗加遣一

矢動價鉅費中國出於不得已而夷人視爲所當然彼早料
我之必不欲戰並不輕言戰多方以挾接踵而來習於所求
之無不應也今法之背約輒以滇粵未撤兵爲詞謂覺自我
開約自我敗不知約之敗不敗不在兵之撤不撤即早撤兵
彼追悔前約必另求一端以背成而尋釁方今

天威震怒士氣奮張法人孤軍深入後援不繼若與相角於洪波
駭浪之中誠難決勝勢惟分兵開出奇正相生或斷其汲道
絕其煤路遷募閩廣善水性者設法以毀其船輪使不得運
動將材中但得如嘉慶道光年間李長庚陳化成者二三員
專任而督練之有良將不患無勁兵並請

飭下海疆督撫不得稍存畛域僅圖自全尺地寸土皆我

國家版章譬如一身廣爲首閩爲吭江浙山東爲腹奉直爲尾閩吭爲人搔首尾尙能相顧乎誠能合謀協力法人進無所獲退無所歸滇粵兩軍乘虛而襲北甯不數月而敵氣已懾搖尾乞成則權操之我相機進止綽有餘裕必不至持久也論者或以餉項支絀爲慮和而輸款亦將費數百萬金且辱國體而啓戎心孰得孰失孰輕孰重至謂商局已售船廠再燬恐失富強之本不知國之富強本不在此也未有商局船廠以前中國之富強何以百倍今日目下船政局之所費可裁以餉軍機器局之所糜可移以犒士閩海粵海兩關每年稅額外聞贏餘不下數十萬平日將軍監督盡入私囊人所共知諒早在

聖明洞鑒之中已往姑無庸追究當此時務孔亟該將軍監督苟有一縷天良亦應和盤託出以濟緊急之需此外若何籌撥應責成戶部通盤核計未雨綢繆尙書閣敬銘公忠任事綜覈寸長際此艱難自必更殫竭志慮以上紓

宵旰之憂臣尤願

皇太后

皇上採於廷論仍斷自

聖衷若今日言戰明日言和事幾不決議論滋紛築室道謀鮮克有成發言盈庭誰執其咎則臣所慮者正未有艾也愚昧之見披瀝上陳伏乞

皇太后